

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRAČANICA  
**OPĆINSKI NAČELNIK**

Broj: 02-28-3547-13/2015  
Gračanica, 18.02.2016. godine

Na osnovu člana 70. Zakona o javnim nabavkama ("Sl. glasnik BiH", broj: 39/14) i člana 36. Statuta Općine Gračanica-Prečišćeni tekst ("Sl. glasnik Općine Gračanica", broj:4/09),  
Općinski Načelnik d o n o s i

**O D L U K U**  
o rezultatima postupka javne nabavke

“ROADING” DOO Gračanica, kao odabranom ponuđaču čija je ponuda ocijenjena kao najpovoljnija, dodjeljuje se ugovor za nabavku radova “Izvođenje radova na sanaciji vodovodnih i kanalizacionih sistema oštećenih poplavama na području Općine Gračanica“

**O b r a z l o ž e n j e**

U postupku javne nabavke: “Izvođenje radova na sanaciji vodovodnih i kanalizacionih sistema oštećenih poplavama na području Općine Gračanica“, proveden je po otvorenom postupku objavljenog na portalu JN, broj obavještenja o nabavci sa Portala javnih nabavki: 720-1-3-35-3-34/15 od 02.12.2015.godine i “Sl.glasniku BiH”, broj: 93/2015 od 07.12.2015. godine; evidencijski broj nabavke: 02-28-3547-3/2015, prijavila su se četiri ponuđača što je vidljivo iz Zapisnika sa otvaranja ponuda i to: “HIDRO-KOP” DOO Banja Luka, “EURO-ASFALT” DOO Sarajevo, “ŠF-INŽENJERING” DOO Tuzla i “ROADING” DOO Gračanica.

Komisija je na zatvorenom sastanku izvršila pregled formalne i tehničke usklađenosti ponuda i zaključila da sve pristigle ponude ne zadovoljavaju sve formalne uslove i uslove tehničke usklađenosti, odnosno formalno i/ili tehnički nisu prihvatljive, a to su ponude ponuđača “HIDRO-KOP” DOO Banja Luka, “EURO-ASFALT” DOO Sarajevo i “ŠF-INŽENJERING” DOO Tuzla.

Razlozi isključenja ponuda ovih ponuđača su jasno precizirani Zapisnicima sa zatvorenog sastanka o ispitivanju i analizi ponuda, broj: 02-28-3547-10/2015 od 16.02.2016. godine i 02-28-3547-12/2015 od 17.02.2016. godine, a koji čini sastavni dio ove Odluke. Sastavni dio ove Odluke čine i Obavještenje o ispravci računске greške; broj: 02-28-3547-11/2015 od 16.02.2016. godine, kao i Saglasnost-Pismeno odobrenje o ispravci računске greške „ROADING“ DOO Gračanica, broj: A-12-01/2016 od 16.02.2016. godine.

Ponuda ponuđača „ROADING“ DOO Gračanica u potpunosti zadovoljava sve formalne i uslove tehničke usklađenosti, odnosno tehnički je prihvatljiva i dostavili su sve tražene dokumente.

Ponuda „ROADING“ DOO Gračanica ocijenjena je kao najuspješnija i najpovoljnija,

jer je za nabavku radova "Izvođenje radova na sanaciji vodovodnih i kanalizacionih sistema oštećenih poplavama na području Općine Gračanica", ponuđena najniža cijena u iznosu od 769.298,29 KM bez PDV-a, odnosno **900.079,00 KM sa PDV-om.**

Izabrani ponuđač „ROADING“ DOO Gračanica obavezan je da postupi u skladu sa slijedećim:

Kako je tačkom 13.2. tenderske dokumentacije navedeno da je kandidat/ponuđač kojem bude dodijeljen ugovor obavezan u roku od 10 (deset) dana od dana dostave Odluke o izboru dostavi slijedeće dokumente:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalificiran u ovom postupku javne nabavke.

**Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.**

Ukoliko ponuđač dostavlja ovjerene fotokopije traženih dokaza, ovjere istih ne smiju biti starije od tri mjeseca, računajući od momenta predaje ponude.

Ugovorni organ može diskvalificirati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Tačkom 14.3.2. tenderske dokumentacije, između ostalog, navedeno je slijedeće:

Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi o obrazovnim i

profesionalnim kvalifikacijama tehničkih lica koja će biti angažovana na izvođenju predmetnih radova, a vezano za traženo pod tačkom 13.3.1. pod b), i to: **(diploma, uvjerenje o položenom stručnom ispitu - za dipl.ing.građevine, radna knjižica).**

Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi o tehničkim sredstvima, a vezano za traženo pod tačkom 13.3.1. pod c), i to: **(ovjerenom kopijom prometnih dozvola ili potvrdom o vlasništvu mehanizacije ili predugovorom o najmu odgovarajućih mašina).**

Tačkom 22. tenderske dokumentacije navedeno je slijedeće:

Kao preduvjet za potpisivanje i stupanje na snagu Ugovora o javnoj nabavi predmetnih radova od najuspješnijeg ponuđača će se tražiti da dostavi garanciju za dobro izvršenje posla, u roku od 7 dana po primitku obavijesti o dodjeli Ugovora, a u iznosu od 10% od vrijednosti Ugovora.

Tačkom 30. tenderske dokumentacije navedeno je slijedeće:

Ugovorni organ će tražiti garanciju za dobro izvršenje ugovora. Iznos garancija za uredno izvršenje ugovora je 10% od vrijednosti ugovora.

Forma garancije za dobro izvršenje ugovora je data u Prilogu 12.

Garancija za uredno izvršenje ugovora se predaje u roku od 7 dana od dana zaključivanja ugovora. U slučaju da izabrani ponuđač ne dostavi garanciju za uredno izvršenje ugovora, zaključen ugovor se smatra apsolutno ništavnim. U tom slučaju ugovorni organ će ponuditi zaključivanje ugovora drugorangiranom.

**Po potpisanom ugovoru, a prije isplate avansa Dobavljač prilaže bankovnu garanciju za avansno plaćanje u skladu sa ugovorom.**

Dobavljači su obavezni dostaviti garanciju za ponuđene radove.

Kako je tačkom 45. tenderske dokumentacije navedeno slijedeće:

***„Dobavljač mora izraditi i priložiti uz njegovu Ponudu potpisanu slijedeću izjavu sa dole navedenim tekstom (navedena izjava će biti i sastavni dio ugovora sa odabranim Dobavljačem)“;***

uz Odluku o rezultatima postupka, najpovoljnijem ponuđaču „ROADING“ DOO Gračanica, dostavljamo još jedan primjerak Izjave o integritetu koju trebaju popuniti, potpisati i pečatiti, kako bi ista bila sastavni dio ugovora, uz napomenu da, ukoliko ponuđač ne raspolaže primjercima Garancije za dobro izvršenje posla i Garancijom za avansno plaćanje koje su dostavljene kao sastavni dio tenderske dokumentacije, a potom i kao dio ponude, nam se obrati kako bismo im iste dostavili, iz razloga što Garancije moraju biti na dostavljenim obrascima i izvornom tekstu.

Ponuđač „ROADING“ DOO Gračanica čija je ponuda najpovoljnija u skladu sa kriterijumom „najniže cijene“ i s kojim će se sklopiti ugovor za predmetne radove, biće u obavezi da dostavi tražene dokumente prije sklapanja ugovora, **uz napomenu da datum izdavanja navedenih uvjerenja ne smije biti stariji od tri mjeseca u odnosu na datum dostavljanja ponude.**

UPUTA O PRAVNOJ ZAŠTITI:

Protiv ove Odluke može se u roku od 10 (deset) dana od dana prijema Odluke izjaviti žalba. U skladu sa članom 99., stav 1. Zakona o javnim nabavkama, Žalba se izjavljuje ugovornom organu u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom.

.  
Dostavljeno:  
“HIDRO-KOP” DOO Banja Luka,  
“EURO-ASFALT” DOO Sarajevo,  
“ŠF-INŽENJERING” DOO Tuzla,  
“ROADING” DOO Gračanica,  
a/a

OPĆINSKI NAČELNIK

**Nusret Helić**